

E BWEBWE IN LÖKE MWEIUK

Köttöpar ko an katak in:

- Kwaļok bwe m̄weie ilo laļ in e jab meļeļein bwe armej renaaj mour ilaņ.
- Kwaļok bwe ro wõt im rej errā ippān Anij renaaj mour ilaņ.
- Kwaļok bwe eļap an nana jikin eñtaan indeeo.
- Kwaļok eproñ Naan in Anij bwe jen jeļā iaļ ñan laņ.

Meļeļe ko reļap ilo katak in:

- Jen lo bwe jej aikuj in ļōmņak kōn ia eo jenaaj pād ie ñe eņōj ad mej.
- Jen lo bwe ñe je mej, jej kajju ippān Anij ak ñan jikin eñtaan.
- Jen lo bwe eļap an nana jikin eñtaan eo.
- Jen lo bwe jen katak jān Bible bwe jen jeļā wāween mour.


Eļap ad watōk jān ilo mour in. Juon jabōn kōnnaan ilo kajin balle ej ba “Money talks.” Ak ilo bar juon wāween ba, “Jān ej kōnnaan.” Ej meļeļe in bwe aolep men renaaj tōprak ñe elōñ aņ jān. Ñe kwe juon millionaire enaaj tōprak aolep men. Bōtab ñe kwe juon ri jeramōļ eban tōprak jabdewōt. Armej renaaj kajekdoņon kwe. Re ban kaorōk kwe. Elōñ rej jiroñ kōj bwe jen joortoklik, bwe jen kōmņan juon account ilo bank im kadeļoņ jān jidik kōn jidik. Rej jiroñ kōj bwe jen jab mour ñan rainin wõt. Jen kapojak ñan ilju im jekļaj eo ad.

Ekwe, eņmņan jet iaan ļōmņak kein. Eņool bwe jen jab mour ñan jān. Peba Green en jab irooj eo ad. Bōtab, eņmņan bwe jen kōjparok jān im jab jerwaan e. Elōñ katin im Jisōs ear katakin armej kōn m̄weie, bwe ejja aın ļōmņak ko aer wõt kōj ilo raan kein. Eļap an armej ro ilo tōre eo an Jisōs kautiej ri m̄weie im jān. Bōtab Jisōs ej kwaļok bwe ewor juon kain m̄weie eļap ļok tokjān jān jabdewōt m̄weie ilo mour in. Ewor juon naaj mour e aetok ļok im aorōk ļok jān mour in jej mour kake kiō. Eņōj ke aņ joortoklik ñan naaj mour in kōnono kake?

1. Jisōs ear kwaļok juon būrabōļ bwe en waan joņak ñan kōj kōn joortoklik.



Luk 12:16-19 Im Ej kōnono būrabōļ ñan er im ba, “Jikin kallib ko an juon armej e m̄weie elōñ aer jebar leen: [17] Im ej pepe ilo būruon im ba, ‘Ta eo I naaj kōmņane, bwe ejjeļok jikin ijo ij aini leen ko aō?’ [18] Im e ba, ‘I naaj kōmņan men in; I naaj jeļate mo ko iņōn ekkān eo aō, im kalōk ko jet reļapļok; im ilo er I naaj aini aō grain im m̄weio otemjej. [19] Im I naaj ba ñan aō, “Aō, elōñ m̄weiu ko m̄weioņ eņōj pojak ñan elōñ iio; kwōn kakkije, mōñā, idaak im lañlōñ.”’



Armej in ear ļōmņak bwe ejjeļok an aikuj kōnke e m̄weie. Ear ļōmņak bwe e maroņ jab ļōmņak kōn Anij im bwe e maroņ mour ilo wāween an kōņaan. Ear jab

kile bwe Anij ej letok mour im Ej bōk mour.

Meñe ear jab kile bwe ewor an Anij maroñ ioon, Anij ear jab meļokļok e. Ri mweie eo ear kōmman pepe ko an kōn an mour, ak Anij ear bar kōmman An pepe kōn leo - enaaj mej boñ eo wōt.

* **Armej rej aikuj tōmak bwe ren kabuñbūruon Anij im bōk ļomņor.**

2. Ri mweie in ear jab kapojak ñan mour eo tokālik.



Luk 12:20 A Anij e ba ñan e, 'Kwō bwebwe, boñin in naaj kajjitōk ippam kōn am; innām enaaj an wōn men ko kwaar kōpooji?'

Ñe Anij ej pepe bwe juon armej en mej, enaaj mej. Ejjeļok jabdewōt men e maroñ kōmmane ñan bōbrae an mej.

* **Anij ej irooj ioon men otemjej.**

Anij ear ba bwe ļein e bwebwe kōnke ear ļomņak wōt kōn an mour ioon laļ in.



Luk 12:21 Āindein eo ej likūt mweiuik ko mweien ñan e wōt, im e jab mweie ñan Anij."

Men ko me Anij ej liļok ñan ro rej lōke e, remmanļok jān mweiuik ko an laļ in.

- Men ko an laļ in rej pād wōt iumwin jidik wōt iien. Je jab jeļā ñāāt eo renaaj jako ak jenaaj ilok jān men kein.
- Men ko Anij ej litok renaaj pād ñan indeeo.
- Anij ej ba ñan kōj bwe jen mālōtlōt im kajerbal iien im maroñ ko ad bwe jen katak kōn E im jeļā E im bwe jen jeļā ta mool in aorōk ilo mour ko ad.

Ta in mweie eo an Anij?



Matu 6:33 A koṃwin pukot moṃta aelōñ in Anij, im kwōjarjar [ak 'wānōk'] eo An;...

Jen jab pukot bwe jen wānōk ak kwōjarjar imaān mejān Anij kōn men ko jej kōmmani. Jen pukot wānōk ak kwōjarar eo An - eo me ej waļok jān Anij.



Kolosse 1:27 Ñan ro Anij e buñbūruon in kwaļok ta mweien aiboojoj in men eo ettino in, eoļōpan ri aelōñ ko, eo Kraist ilowami kōjatdikdik kōn aiboojoj.

Ekkar ñan eoon in, ewi mweie eo an Anij, ak mweie eo im Anij ej letok? Kraist ilo kōj. Im ta eo jen kōmman bwe Kraist en ilo kōj? Jerbal, tiljek, yokwe doon, ito-itak im kwaļok Naan ke ta? Aolep uwaak kein im bōd. Jej bōk Kraist ilo būruōd kōn tōmak. Eļap an book in Epesōs kōnono kōn mweie an Anij.



Epesōs 1:7 Ilo E ewor pinmuur ñan kōj kōn bōtōktōkin, aet, joļok nana ko ad, ekkar ñan mweiuik in jouj eo An.

Ekkar ñan ta? Añ tiljek ak m̄weie ilo jermal ko remman ke? Jaab! Ekkar ñan jouj eo An. Ri m̄weie eo ilo bwebwenato in ear mej kōnke ear jab m̄weie ñan Anij. Ear jab pukot m̄weie eo me Anij wōt e maroñ letok kōn tōmak. Juon wōt men e maroñ kawānōk kōj. Juon wōt men e maroñ lōmoḡoren kōj. Juon wōt men e maroñ letok m̄weik ko reḡap an Anij: bōtōtkōken Jisōs Kraist e jepel jān jermal eo añ.



1 Piter 1:18,19 Bwe kom̄ jelā bwe men eo ear pinmuur ñan kom̄ jān ami mour pata me kom̄ ar jolōt jān ro jim̄mami ear jab juon men me enaaj jakoḡok, āinwōt silver ak gold, a ear bōtōtkōk e aorōk, āinwōt an lamb ejjelḡok notaan im e kwōjarjar, aet eo an Kraist.

3. Jisōs ear kwaḡok kōn juon ri m̄weie im juon ri jeraḡōl etan Lazerōs.



Luk 16:19-21 Juon armej, ri m̄weie, ej kōnak nuknuk ko piolōt im linen e aidik iden, im e kanooj em̄man an mour raan otemjej: [20] Im juon rū owar, etan Lazerōs, em̄oj kababu e iturin kōjām eo an, e obrak kōn bakke, [21] Im e kōnaan attūkoko jān tipdikdik ko rej wōtlḡok jān tebōḡ an ri m̄weie: im kidu ko rej itok im dam̄wij bakke ko an.

Eḡap oktak ikōtaan armej rein ruo ke? Armej eo kein ka juon joñan an m̄weie ejjelḡok an aikuj. Baibōḡ ej ba bwe e kanooj em̄man an mour raan otemjej. Eo juon, joñan an jeraḡōl, ejjelḡok kijen m̄ōñā. Ear nañinmej im kinejneja aolep iien, im kidu ko wōt raar jeraik e. Meñe eḡap oktak kōtaan lōmarein ruo ilo mour in, raar joñan wōt juon ilo juon men - MEJ.

Aolep armej, jekdoḡon wōn, renaaj mej. Im ejjelḡok juon men re maroñ kōm̄mane ñan bōbraik mej jān an waḡok ñan er. Ri m̄weie in ear mej, im Lazarus ear mej. Bōtab, mej ear iien kajemḡok ñan ri m̄weie eo. Mej ear juon iien kapelḡok ñan Lazaurus!

4. Lazarōs ear ruj ilo lañ.



Luk 16:22 Im rū owar e mej, im enjel ro raar bōklḡok e ñan ubōn Ebream: barāinwōt ri m̄weie e mej, im raar kalbwīn e.

Ilo ejja second eo im Lazarōs ear mej, enjel ro raar bōklōñḡok e ñan ubōn Ebream. Ia in ubōn Ebream?



Matu 8:11 Im Ij ba ñan kom, Bwe elōñ renaaj itok jān reear im jān kapilōñ, im renaaj jibadek ippān Ebream, im Aisak, im Jekōb ilo aelōñ in lañ.

Barāinwōt elōñ jeje ko an ri Ju rej kwaḡok bwe ubōn Ebream ej jutak kōn lañ. Meñe eḡap an kar Lazerōs eñtaan ilo mour in, ear etal ñan ippān Anij ilo iien an mej.

M̄weik ko an ri m̄weie eo raar bōbrae an mej ke? Jaab. Ewor ke tokjān m̄weik ko m̄weien ke em̄oj an mej? Jaab.


Ñe armej re mej, rej kajju ippān Anij, ak rej kajju ñan jikin eñtaan. Em̄oj an mej Ebream bukwi iio m̄oktaḡok, ak ear mour wōt ippān Anij. Kwōnaaj pād ñan indeeo ippān Anij, ak kwōnaaj pād ñan indeeo ilo jikin kijeek im kaje kōn nana.

5. Ri m̄weie eo ear ruj ilo Hedis im kūr kōn jipañ.



Luk 16:23 Im ilo Hedis ej reilōñ mejān ilo eñtaan ko, im lo Ebream etto!ok jān e, im Lazerōs ilo ubōn.

Jen bar lōmṇak kōn ta eo Baibōl ej ba kōn lein ilo iien an mour. E kanooj emṇan an mour raan otemjej. Ilo juon wōt second ear oktak jān juon mour e kanooj emṇan ṇan juon mour im e nana ejjelok joñan. Jen lōmṇak kōn jet iaan men ko im bwebwenato in ej kwaḷok ṇan kōj kōn jikin eñtaan eo. Naan in eñtaan ej waḷok ilo bwebwenato in jilu katin, ilo 23, 24, im 25. Eoon kein rej kaalikkar ṇan kōj kain eñtaan ta im enaaj waḷok ṇan ro me rej etal ṇan ie.



1) Mokta, ej juon jikin eñtaan eḷap. Eñtaan eo im enaaj waḷok ilo naaj jikin eñtaan in enaaj lap lok jān jabdewōt eñtaan eo im armej raar iioon e ilo mour in. Im ejab juon wōt kain eñtaan im enaaj waḷok ṇan ro me rej pād ie. Elōñ kain eñtaan ko renaaj waḷok ṇan e. Lale kajjitōk eo an ri mṇweie in.



Luk 16:24 Im ej lamōj im ba, ‘Jema Ebream, kwōn tūriamokake eō, im jilkintok Lazerōs, bwe en kattu lok jabōn addiin pein ilo dān, im kamōlo loō; bwe ij eñtaan ilo urur in!’

2) Ruo, jej lo bwe jikin eñtaan in ej juon jikin lōmṇak. Aolep ro im rej pād ie renaaj jeḷā lōmṇak. Renaaj lōmṇak kōn ta? Renaaj lōmṇak kōn aer make eñtaan. Eḷap an kar ri mṇweie in lōmṇak kōn an maro im eñtaan ilo kijeek eo. Renaaj lōmṇak kōn ro nukweir im ro mōttaer me rej mour wōt.



Luk 16:27,28 Innām e ba, ‘Kōn men in ij akweḷap ṇan eok, jema, bwe kwōn jilkinlok e ṇan imōn jema; bwe lalem jeiō im jatū maan; bwe en kōnnaanōk er, bwe ren jab barāinwōt itok ṇan jikin eñtaan e.’

Elukkuun eddo bōklikūt an ri mṇweie in kōn ro jein im jatin ñe ab rej etal ṇan ippān ilo Hedis. Ak ejjelok men e maroñ in kōmṇane kake. Ewi uwaak eo an Jisōs?



Lk 16:29-31 A Ebream e ba, ‘Moses im ro ri kanaan ippāer; ren eḷoroñ er.’ [30] Im e ba, ‘Jaab, Jema Ebream: a eḷaññe juon ej ilok ṇan ippāer jān ro re mej, renaaj ukeḷok ippāer.’ [31] Im e ba ṇan e, ‘Eḷaññe re jab eḷoroñ Moses im ro ri kanaan, e jāmin reel būrueir eḷaññe juon ej jerkakpeje jān ro re mej.’”

Jet iien armej rej lōmṇak bwe renaaj tōmak eḷaññe rej lo juon men in kabwilōñlōñ. Ak Anij ej ba jab, im E kōṇaan bwe ren tōmak Naan ko An ilo Bible. E bwe Naan in Anij ṇan katakin kōj iaḷ ṇan lañ. Ro rej etal ṇan jikin eñtaan eo, ej aer make bōd kōn aer jab eḷoroñ Anij.

Ro ilo Hedis renaaj barāinwōt lōmṇak kōn aer make nana. Je jab roñ an ri mṇweie kōnono im ba, “Eita ṇa ij pād ije? Ejab fair men in. Ṇa iar jermal ṇan Anij. Ṇa iar juon armej emṇan!” Jab! Ejeḷā bwe ekkar an etal ṇan Hedis. Ewi wāween an ri mṇweie in kajjitōk kōn limen dān? Ejab ba, “Limō!” Ejab ba, “Jouj im letok.” Ej ba, “Kwōn tūriamo kake eō...” Ejeḷā kiiō bwe e jakkar an bōk jabdewōt men emṇan jān Anij. E patkake men otemej. Ejeḷā bwe aolep men ko remṇan rej waḷok kōn tūriamo an

Anij wõt. Enaaj kajoor an armej ajļok ilo naaj jikin eñtaan eo. Renaaj ajļok im būromōj wõt. Renaaj ajļok kōn aer jab eņroñ naan in Gospel im lōke Jisōs.

3) Jilu, Hedis enaaj ñan indeeo. Ke ri mweie in ear kajjitōk kōn limen aebōj, Ebream ear ba ta ñan e?



Luk 16:26 Im ewor jān men kein otemjej, ikōtaam im kwe juon roñ ej pād kanooj eļap im e mwilaļ: bwe ro re kōñaan ilok jān ijin ñan ippam re bane; im ro re kōñaan itok ñan kōm jān ijeņe re bane.'

Eļañne kwaar pād ilo Hell im kwaar maroñ in kajjitōk ippān Anij juon wõt kajjitōk, ewi men eo mōktata im kwō naaj kar kajjitōk kake? Kwōnaaj kar kajjitōk am diwōj jān Hedis! Etke ri mweie in ear jab kajjitōk āindein? Kōnke ear jeļā bwe e kūp tata ñan e.



Revelesōn 14:10,11 ..im naaj kaeñtaan e kōn kijeek im brimston imaan mejān enjeļ ro, im imaan mejān Lamb. Im baat in eñtaan eo aer ej wanlōñļok indeeo im indeeo, im ejjeļok kakkije ippaer raan ak boñ.

Enaaj ejjeļok iaļ in ko jān Hedis ālikin an armej deļoñ ie, im enaaj ñan indeeo. Ri mweie in, emōj an pād ilo jikin eñtaan eo iumwin 2,000 iiō, im e ban ilok jān ijo. Lazarōs ej pād wõt ilañ ippān Anij.

4) Ej juon jikin me ejjeļok tūriamo ie. Ke ri mweie in ear kajjitōk juon pil in dān, Ebream ear ke leļok? Ekar jab. Ear jeļok kōjatdikdik ñan ri mweie in. Ear barāinwōt jeļok aolep tūriamo ñan e.



Luk 16:25 A Ebream e ba, 'Nejū, kwōn keememej bwe kwe ilo am mour kwaar bōk am men ko remman, im barāinwōt Lazerōs men ko re nana: a kiiō ej aenōmman ijin, im kwe kwōj eñtaan.'

Ri mweie in ear mour ñan men ko remman an laļ in. Bōtab ear abwin bōk men eo emman tata: lōmoņor im mour indeeo ilo Jisōs. Lōmoņor an Anij ej juon lojet eļap im ej toņor jān debwāal eo an Kraist Jisōs. Bōtab eļañne juon ej jerwaane jouj an Jisōs ilo mour in, e ban lo juon pil in tūriamo ilo mour eo tokālik. En jab bōd ad meļeļe, ewor juon jikin eñtaan ñan indeeo. Anij ear kapoje ñan Jetan im enjeļ ro me raar ļoor e. Im enaaj pād ie jabdewōt eo im ejab lōke Jisōs Kraist wõt ñan lōmoņoren e im kawānōk e.



Matu 25:41 Innām barāinwōt Enaaj ba ñan ro i anmiiñin, 'Komwin ilok jān Eō, kom ri nana, ñan ilowaan kijeek e jāmin kun indeeo, eo ear pojak ñan tepiļ eo im enjeļ ro an.'

Kajjitōk ko

1. Ñe juon armej ej mej ilo an jerōwiwi enaaj jepel jān Anij ñan ñāat?
2. Elōñ ke an ri mweie eo aikuj in mour in?
3. Eļap an kar Lazarōs jeraamman ilo mour in ke?
4. Ewi men eo me ear kōmman bwe ri mweie eo im Lazarōs ren joñan wõt juon?
5. Ke Lazarōs ear ruj ālikin an mej, ear pād ia?
6. Ubon Ebream ej meļeļe in ta?

7. Ri m̄weie eo ear jeraam̄man ke ilo Loṃaḷo in Kijeek?
8. Ri m̄weie eo ear kiki ilo jikin kijeek ke?
9. Ri m̄weie eo enaaj pād ilo jikin eñtaan eo ñan ñāāt?
10. Ta eo e pād ikōtaan loṃaḷo in kijeek im lañ?
11. Wōn eo e maroñ kājoon e?
12. Ri m̄weie eo ear kajjitōk ta ippān Ebream?
13. Ebream ear leḷok ñan ri m̄weie limen dān ke?
14. Ebream ear jiroñ e bwe en keememej ta?
15. Ejjeḷok ta ilo loṃaḷo in kijeek?
16. Ñāāt eo ej iien tūriaṃo?
17. Armej re ban ukeḷok kōn aer lo men in kabwilōñlōñ, ak Anij ej ba ren ukeḷok kōn ta?